



САМУР ДИНИ

сес

«Магъарамдхуруьн район» МР-дин
общественно-политический газет.
Общественно-политическая газета
МР «Магъарамкентский район».

Газет 1951- йисалай акъатзава. № 19 (7839) киш, 22-апрель, 2017- йис. Къимет 6 манат.

МР-дин АДМИНИСТРАЦИЯДА

ТІАЛ АЛАЙ МЕСЭЛАДАЛ АКЪВАЗНА



АДЕТ ХЪАНВАЙВАЛ, гъар ислен юкъуз МР-дин Администрацияда тухузвай совещанийрал яргъал вегъез тежедай, тади серенжемар къабулна кланзавай, тІал алай месэлайриз тамашзава. 17-апрелдиз «Магъарамдхуруьн район» муниципальный райондин Администрациядин къил Фарид Загъидинович Агъмедова къиле тухвай совещаниедал майишатар ва агъалияр дигидай целди таъминарзавай гъалдин ва къабулзавай серенжемрин гъакъиндай месэладиз тамашна. И месэладин гъакъиндай «Хуьруьн майишатдин отдел» МКУ-дин начальник Къ. Букарован информациядихъ яд акална ва ам гегъеншдиз гъална.

Дугъриданни, дигидай цин патахъай месэла сифте яз къарагъарзавайди туш. И месэладин гъакъиндай чпин на-

разивал ийизвай инсанар парава, абурулай газетдиз чарарни къвезва. Гатфарин чуьлдин кІвалахрин къизгъин вахтунда къубуйра датІана бес къадар яд тахъуни майишатрин сагъибрин ва агъалийрин наразивал арадал къвезва.

Къ. Букарован информациядай малум хъайивал, целди таъминариз тахъунин къилин сеbeb райондин церин майишатди вичин кІвалах тавунин нетижа я. Эгер и кар давам хъайитІа, шаз зулуз ва ціи гатфарихъай кутунвай жегъил багълар ва уьзуьмлухар яд тахъана къурунин къурхуллувал ава. Сеbeb, райондин церин майишатди жуьреба-жуьре багънайралди къанавра яд тун тавун я.

Райадминистрациядин къилин сад лагъай заместитель Гъабибуллагъ Мурадалиева баян гайивал, дигидай цикай къитвал садрани жезвайди

туш. Чна Самур вацІай къачузвай цин къадар цик квай чилерин къадардив гекъигаЙла яд артухни жезва.

Гъалай месэладин нетижаяр къур МР-дин Администрациядин къил Фарид Агъмедова «Хуьруьн майишатдин отдел» МКУ-дин начальник Къ. Букароваз вилик хциз акъвазнавай и месэла къведпуд йикъан къене гъялуни буйругъ гана.

Совещаниедал гъакІ ЦРБ-дин къилин духтур Гъ. Беглерован, образованиедин Управлениедин начальникдин заместитель Л. Муртузаеван, МВД-дин РД-да авай Магъарамдхуруьн райондин ОВД-дин начальникдин заместитель Г. Эфендиеван ва масабурун докладрихъ яб акална.

Гъалай месэлайрай талукъ къарарни къабулна.

Р. МУРАДАЛИЕВ.

КУЛЬТУРАДИН МАКАНРА

БАГЪА МУГЪМАНАР



АЛАТАЙ гяфтеда Стлал Сулейманан тиварунихъ галай музыкадинни драммадин театрдин артистар Магъарамдхуьруьз мугъман хъана. Къунши районризни мугъман хъанвай театрдин коллективди Россиядин халкъарин

адетдин культурадин центрда чи районэглийриз «Квасади мехъерик теклифзава» тамаша-концерт къалурна.

Тамаша-концертдиз райондин руководство, идарайрин, общественный организациярин ва

СМИ-дин работник, малимар ва театрдал рикI алай юлдашар атанвай. Тамаша сегънедиз атай квасади вичин мехъерик теклифунилай башламиш хъана. Театрдин артистри чи лезги халкъдин виликан девиррин адетрикай, яшайшдикай са жерге сегънеяр къалурна ва манияр лагъана.

Театрдин артистрихъ галаз къуьлер ийидайбурун ансамбли атанвай. Къуьлерин ансамблди авур Дагъустандин ва Къавкъаздин халкъарин къуьлер, гъевескар артистри тамамарай нумраяр тамашачийри гурлу капар ягъуналди къаршиламишна.

РФ-дин лайихлу артист Абдул Гъабибов, РД-дин халкъдин артист Ибрамхалил Рамазанов, РД-дин лайихлу артистар тир Фаризат Зейналова, Эльмира Къараханова, Зерифа Къухмазова, Руслан Пирвердиев, Агъахан Агъаханов сегънедал экъечлун, чи халкъдин рикI алай манияр тамамарун тамашачияр патал гуьзет тавур савкъват хъана.

Эхирдай лезгийрин муздрамтеатрдин директор Динара Эминовади, генеральный директор Нариман Буржалиева ва къилин режиссер Мирзабек Мирзабекова райондин руководстводиз ва халкъдиз, чеб хушвилелди къабулунай ва къуват гунай чухсагъул малумарна.

А. АЙДЕМИРОВА.

ЖЕГЪИЛРИН
ФЕСТИВАЛЬ

18 – АПРЕЛДИЗ Россиядин халкъарин адетдин культурадин центрда жегъилрин манийрин фестиваль кыле фена.

Фестивалда Дагъустан республикадин районрай, Дербент шегъердай манидарар атанвай.

И шад мярекат сифте гаф рахуналди республикадин яратмишунрин к1валин отделдин начальник Минажат Мугадовади ачухна.

«Магъарамдхуьруьн район» МР-дин администрациядин кыл Фарид Агъмедован тапшуругъдалди фестивалдин гъар са иштиракчидиз къиметлу савкъватар багъишна.

Са шакни алачиз фестивалда иштирак авур манидарри чеб гъам сесинай, гъам бажарагъдай еке устадар тирди субутна.

ЖАННА.



ХАТАЛУ ВАХТ

АДЕТ ТИРВАЛ, гъар йисуз цӕар кьунин хаталувал артух жезва. Хъуытӕуыкай хкатнавай салар, багълар, къурухрин уьруышар къурай векыкай, зир-зибилди-кай михъиз цӕар язава. Тамарин кърехрив къуру-



хар гвай ксарин мукъаятсузвилдин нетижада шумудни са сеферда тамари цӕар кьур дуьшуьшар малум я. Ихътин цӕар кьунар мукъвал-мукъвал Ярагърин, Целегуьнрин, Магъарамдхуьруьн, Къуйсунрин ва Гилийрин тамара дуьшуьш жезва. Тебиатдал феи инсанри цӕар хъийизва, цӕай туьхуьр тавунвай пӕпӕрусрин къатӕар гадарзава. Цӕар хаталу чкайрал авуни, абур тамамвилелди хкадар тавуни, са гафуналди чи мукъаятсузвили еке зиянар арадал гъизва. Тамун патарив гвай хуьрерин агъалияр, абурун кӕвалер хаталувилик акатзава.

Гъар йисуз Магъарамдхуьруьн лесничестводи са шумуд гектар чилел гъар жуьре жинсерин кълемар цаз тамар цӕийи хъийизва. Икӕ алатай хемис юкъуз Къуйсунрин кылихъ галай 39- кварталда 1500 – 2000- дав агакна пипин кълемар цанва. Ярагъкъазмайрин пограничный зонадин кылихъ галай 5 гектар чилел кӕви жинсинин тарарин кълемар кутуна. Гъар зулухъай абур тумар цилер кӕватиз Махачкъаладин лабораториядиз рекъе твазва ва гъана рази жедай жаваб хтайла абур цазва. И карди артух харжияр галачиз жуван зегъметдалди кълемар битмишардай мумкинвал гузва.

Магъарамдхуьруьн лесничестводи кьуд райондин тамарал гуьзчивал тухузва ва абур-

рухъ гелкъвезва. Икӕ алай йисуз, Ахцегъиз мегъуьн, пипин, ясендин 1200 кълем рекъе тунва. Лесничестводи гъар са работникдихъ гуьзчивал тухузвай участокар ава. Абур мукъвал-мукъвал физ патрул ийиз хквезва. Участокда цӕай кьур дуьшуьшда гъасятда райондин лесничестводиз хабар агакъарзава. Лесничестводихъ яд авай машин ва цӕай хкадарун герек тир вири алатар ва тадаракар ава. Чна гъар йисуз хуьрерин администратцийрин кылерихъ галаз договорар кутӕунзава. Абур галаз сигъ алакъаяр хуьз алахъзава. Цӕар кьур дуьшуьшар чаз гъабур, хуьрерин агъалийри куьмекар гузва. Чи кьуват агак тийизвайла чна республикада авай пожарный центрдай куьмекдиз эверзава. Гъаӕни общественный противопожарный бригадарни кардик ква.

Мад сеферда чахъ са тӕлалабун ава. Гъаваяр чими хъуникди, хъач, цери кӕватӕдайдини, ял ядайдини гзаф жезва – им адет я. Цӕай кутунвай зир – зибил кана алахъдалди гуьзчивал авун, хъувунвай цӕай герек амачирла тамамвилелди туьхуьрун, цӕай квай пӕпӕрусар гадар тавун инсанривай тӕлалабзавай истемишунар я. Тӕлалабда цӕай кьуна акур дуьшуьшра тади гьалда агъадихъ гузвай нумрадиз зенг авун хабар гун; 8928-878- 25-24.

Магъарамдхуьруьн лесничество руководство.

Мубаракрай

РФ – дин здравоохранениедин Министерстводин 2013- йисуз къабулнавай 151- нумрадин Приказдал асаслу яз, «Виридалай хъсан духтур 2017» конкурс кыиле фена. Къве этапда кыиле феи конкурсда пешекарриз 21 номинациядай кыимет гана.

Дагъустан республикада кыиле феи конкурсдин нетижада Ма-



гъарамдхуьруьн ЦРБ-дин кыилин духтур Беглеров Гъажибала Гъажиевич «Медицинский организациядин виридалай хъсан руководитель» номинациядай гъалиб хъана.

Чаз, куьн Гиппократа кыинез вафалу яз амуькна ва квехъ чандин мягъкем сагъвал, кӕвалахда агалкъунар, хизанда хушбахтлувал хъана кӕланзава!

**ТЕВРИКЗАВАЙДИ
КУЪ ГЪУЪРМЕТ ХУЪЗВАЙ
МАГЪАРАМДХУЪРУЪН
ЦРБ-ДИН КОЛЛЕКТИВ.**



ТІВАРАР КЪАЗ СА-САД РИКІЕЛ ХКИН

ДУЪНЪЯДИН тарихда гъатай Ватандин Члехи дяве вири-далайни заланди, пашманди хъана. Ада гъар са хизандиз анжах гъамни хажалат гъана. Хайи чилин паквал патал виш агъзурралди дагъустанвийри гъа жергедай яз чи районэглийрини дяведин фронтда иштиракна. Гзафбуруз къариблухра сурар къисмет хъана, хейлинбур гел галачиз квахъна. Женгера телеф хъайибурун тварар рикел хуьдай ктабда гъатнава.

Алай йисуз Ватандин Члехи дяведа Гъалибвал къазанмишайдалай инихъ 72 йис тамам жезва. Ша чна, дяведа телеф хъайи чи районэглияр, абур рикелай алуд тавунин лишан яз, са-сад тварар къаз рикел хкин.

АБАЕВ Шула, Хакияр, жергедин аскер, 1941- йисан 15-июлдиз Мурманск шегъердин патав телеф хъана.

АБАСОВ Абас, Хужакъаз-маяр, жергедин аскер, телеф хъана.

АБАСОВ Гъабибуллагъ, Магъарамдхуьр, жергедин аскер, 1941- йисан августдиз гел галачиз квахъна.

АБАСОВ Сефер, Азадогъли, жергедин аскер, 1942- йисан июндиз гел галачиз квахъна.

АБДУЛЛАЕВ Абдула, Магъарамдхуьр, жергедин аскер, 1943- йисан 4- мартдиз телеф хъана, Краснодарский крайдин Черноерковская станциядин патав кучудна.

АБДУЛЛАЕВ Абдула, Магъарамдхуьр, жергедин аскер, 1942- йисан ноябрдиз гел галачиз квахъна.

АБДУЛЛАЕВ Абдула, Магъарамдхуьр, сержант, 1944- йисан 28 февралдиз телеф хъана, Полесская областдин Тайманова хуьре кучуднава.

АБДУЛЛАЕВ Азиз, Къуйуьстан, жергедин аскер, 1942- йисуз гел галачиз квахъна.

АБДУЛЛАЕВ Агъмед, Къуйуьстан, жергедин аскер, 1942- йисан 20- январдиз гел галачиз квахъна.

АБДУЛЛАЕВ Агъмед, Хакикент, жергедин аскер, 1942- йисан сентябрдиз гел галачиз квахъна.

АБДУЛЛАЕВ Батал, Берекхуьр, жергедин аскер, 1944- йисан 14- июлдиз телеф хъана.

АБЕЙДУЛЛАЕВ Исмаил, Хуьрель, жергедин аскер, 1941- йисан октябрдиз гел галачиз квахъна.

АБДУЛЛАЕВ Кельбала, Азадогъли, жергедин аскер, 1942- йисан июндиз гел галачиз квахъна.

АБДУЛЛАЕВ Мехти, Билбилкъазмаяр, жергедин аскер, 1942- йисан 23- мартдиз Крымда гел галачиз квахъна.

АБДУЛЛАЕВ Низамудин, Къуйуьстан, жергедин аскер, 1942- йисан 2- мартдиз Севастопольда гел галачиз квахъна.

АБДУЛЛАЕВ Фетягъ, Хуьрель, жергедин аскер, 1942- йисан 25- июндиз гел галачиз квахъна.

АБДУЛАЗИЗОВ Буньям, Гарагърин хуьр, жергедин аскер, гел галачиз квахъна.

АБДУЛАЗИЗОВ Гъажиагъмед, Филерин хуьр, жергедин аскер, 1942- йисуз гел галачиз квахъна.

АБДУЛАЗИЗОВ Ильяс, Киркарин хуьр, жергедин аскер, 1941- йисуз гел галачиз квахъна.

АБДУЛАКИРОВ Атлухан, Гилийрин хуьр, жергедин аскер, 1943- йисан 9- сентябрдиз телеф хъана, Смоленский областдин Шотьково хуьре кучуднава.

АБДУЛАЛИМОВ Магъмуд, Билбилкъазмаяр, жергедин аскер, 1942- йисуз гел галачиз квахъна.

АБДУЛГАЛИЕВ Аюбхан, Уружбайрин хуьр, жергедин аскер, 1943- йисан 28- августдиз телеф хъана, Смоленский областдин Починки хуьре кучуднава.

АБДУЛГЪАМИДОВ Къадир, Къансавхуьр, жергедин аскер, 1943- йисуз гел галачиз квахъна.

А Б Д У Л Г Ъ А Н И Е В Абдулмутталиб, Киркарин хуьр, жергедин аскер, 1942- йисуз гел галачиз квахъна.

АБДУЛКЪАДИРОВ Муьгъуьдин, Хужакъазмаяр, жергедин аскер, 1942- йисуз гел галачиз квахъна.

АБДУЛКЪАДИРОВ Абдулкерим, Хакияр, жергедин аскер, 1942- йисуз гел галачиз квахъна.

АБДУЛКЪАДИРОВ Адаят, Ярагъкъазмаяр, жергедин аскер, 1943- йисуз гел галачиз квахъна.

АБДУЛКЪАДИРОВ Гъасанбег, Гилийрин хуьр, жергедин аскер, 1943- йисан 24- ноябрдиз телеф хъана, Крымда Колонка поселокда кучуднава.

АБДУЛКЪАДИРОВ Магъамед (Мутдин), Чах-чах къазмаяр, жергедин аскер, 1944- йисан 23-августдиз госпиталда залан хирерикди рагъметидз фена, Литвада Бердекчис хуьре кучуднава.

АБДУЛКЪАДИРОВ Идаят, Хужакъазмаяр, жергедин аскер, телеф хъана.

АБДУЛКЪАФАРОВ Абдулагъ, Гилийрин хуьр, жергедин аскер, гел галачиз квахъна.

АБДУЛКЪАФАРОВ Атлухан, Гилийрин хуьр, жергедин аскер, гел галачиз квахъна.

АБДУЛКЪАФАРОВ Асанбек, Гилийрин хуьр, жергедин аскер, гел галачиз квахъна.

АБДУЛКЕРИМОВ Абдул, Макъарин къазмаяр, жергедин аскер, 1942- йисан февралдиз гел галачиз квахъна.

АБДУЛМАДЖИДОВ Абукар, Хакияр, жергедин аскер, 1943-йисан 5- сентябрдиз телеф хъана. Смоленский областдин Пердельники хуьре кучуднава.

АБДУЛМАМЕДОВ Шихвагъид, Къуйуьстан, жергедин аскер, 1943- йисуз гел галачиз квахъна.

АБДУЛМАНАФОВ Агъамирзе, Ярагъкъазмаяр, жергедин аскер, 1942- йисуз гел галачиз квахъна.

АБДУЛМЕЖИДОВ Мавлюдин, Тагъирхуьруьн къазмаяр, жергедин аскер, 1942- йисуз гел галачиз квахъна.

АБДУЛМУТИАЛИБОВ Абушериф, Гарагърин хуьр, жергедин аскер, 1942- йисуз гел галачиз квахъна.

АБДУЛСАМЕДОВ Абдулвагъид, Ярагъкъазмаяр, жергедин аскер, 1942- йисан 12 июндиз телеф хъана.

АБДУЛСАМЕДОВ Магъамедмирзе, Ярагъкъазмаяр, жергедин аскер, телеф хъана.

АБДУЛСАМЕДОВ Магъамедрасул, Ярагъкъазмаяр, жергедин аскер, гел галачиз квахъна.

(АБДУЛ)ФАТАХОВ Исабала, Муьгъверган, жергедин аскер, гел галачиз квахъна.

АБДУЛФАТАХОВ Низамудин, Чах-чах къазмаяр, жергедин аскер, 1943- йисан февралдиз гел галачиз квахъна.

АБДУЛХАЛИКЪОВ Абдулавагъаб, Ярагъкъазмаяр, жергедин аскер, 1941- йисан августдиз гел галачиз квахъна.

АБДУЛХАЛИКЪОВ Магъамедкерим, Хакияр, жергедин аскер, 1942- йисан июлдиз гел галачиз квахъна.

АБДУРАГЪИМОВ Абдулгъусейн, Филерин хуьр, жергедин аскер, гел галачиз квахъна.

АБДУРАГЪИМОВ Абдулагъ, Ярагъкъазмаяр, жергедин аскер, гел галачиз квахъна.

АБДУРАГЪИМОВ Абдурагъим, Тагъирхуьруьн къазмаяр, жергедин аскер, 1944- йисан 24-майдиз телеф хъана, Молдавијада Талмазы хуьре кучуднава.

АБДУРАГЪИМОВ Абусалам, Филерин хуьр, жергедин аскер, гел галачиз квахъна.

АБДУРАГЪИМОВ Зейналабидин, Филерин хуьр, жергедин аскер, гел галачиз квахъна.

АБДУРАГЪИМОВ Пирмурад, Къансаврин хуьр, жергедин аскер, 1942- йисан июлдиз гел галачиз квахъна.

АБДУРАГЪИМОВ Сейфулагъ, Тагъирхуьруьн къазмаяр, жергедин аскер, гел галачиз квахъна.

АБДУРАЗАКЪОВ Абдуриза, Чах-чах къазмаяр, жергедин аскер, 1944- йисан январдиз гел галачиз квахъна.

АБДУРАГЪМАНОВ Гъамза, Муьгъверганрин хуьр, жергедин аскер, гел галачиз квахъна.

АБДУРАГЪМАНОВ Хамеет, Вини-Ярагърин хуьр, жергедин аскер, 1942- йисан 23- январдиз Харьков патал кыле фейи женгера телеф хъана.

АБДУРАГЪМАНОВ Хидирнаби, Оружбайрин хуьр, старший лейтенант, 1945- йисан 23- февралдиз гел галачиз квахъна.

АБДУРАШИДОВ Абдулкерим, Къуйуьстан, жергедин аскер, гел галачиз квахъна.

АБДУРАШИДОВ Абдулмежид, Къуйуьстан, жергедин аскер, гел галачиз квахъна.

АБДУРАШИДОВ Баламирза, Тагъирхуьруьн къазмаяр, жергедин аскер, 1994- йисан 27- апрелдиз телеф хъана.

АБДУРАШИДОВ Магъамедшафи, Вини-Ярагъар, жергедин аскер, гел галачиз квахъна.

АБДУСАМЕДОВ Шагъвалид, Къуйуьстан, жергедин аскер, 1941- йисан 17- июлдиз телеф хъана, Житомирский областдин Андреевичи хуьре кучуднава.

АБДУСЕЛИМОВ Абдулкерим, Магъмудхуьр, жергедин аскер, гел галачиз квахъна.

АБДУСЕЛИМОВ Абдулкерим, Хтункъазмаяр, жергедин аскер, гел галачиз квахъна.

АБЕЙДУЛАЕВ Насреддин, Чепелар, жергедин аскер, 1941- йисан октябрдиз гел галачиз квахъна.

АБИЛОВ Муса, Гъепцегърин хуьр, жергедин аскер, гел галачиз квахъна.

АБРАМОВ Закаръя, Магъарамдхуьр, жергедин аскер, 1941- йисан июлдиз гел галачиз квахъна.

АБРАМОВ Захар, Хужакъазмаяр, жергедин аскер, 1942- йисан июлдиз гел галачиз квахъна.

АБУКАРОВ Абдурагъим, Макъарин къазмаяр, жергедин аскер, 1945- йисан февралдиз гел галачиз квахъна.

АБУКАРОВ Абукар, Макъарин къазмаяр, жергедин аскер, гел галачиз квахъна.

АБУКАРОВ Гъаживерди, Макъарин къазмаяр, жергедин аскер, гел галачиз квахъна.

АБУМУСЛИМОВ Абуमुслим, Гилияр, жергедин аскер, 1941- йисан сентябрдиз гел галачиз квахъна.

(КъатI къведай нумрада).

Ражадуллагъ САЛМАНОВ

ГЪАЛАЛ ЖЕДАЧ, ГЪАРАМДИН ШЕЙ

ГАТУН вахт тир. Хармандал тежилар хкиз гъамбардиз язавай. Йифен кюлариз машиндин ван атана. Хармандал къаравул Агъмеда тфенг къачуна цавуз яна. Инихъ-анихъ килигна, ваъ, аквадай кас, я машин авач. Вишришин ванер къевезва. Ада мад сеферда тфенг цавуз яна кичлез-кичлез хармандалай элкъвез хъана. Къачагъар къуълукъ чунуъх хъанвай.

Са арада къуълукъай хкечна са къачагъди лагъана:

-Килиг, чан клан ятла ван-сес акъудмир. Им я вид туш, я ви бубадинди. Идак чи пайни квайди я. Ваз клан ятла ви кивализни агакъарда.

Агъмед рази хъана. Ахпа гъилевай тфенг агъуз авуна абурухъ элкъвена лагъана:

-Куъне тухузватла твах, куън масабуроз акуна хъайитла зитвар къамир. Бес куъне къуъл кве аваз тухузва?

-Ам ви буржи туш,- лагъана са къачагъди,- чи къайгъучна аквада.

Агъмеда кивализ хъфидай амалар авуна абуру къуъл кве аваз тухузватла ахтармишна. Машин къуъллай ацурайдалай къулукъ ада хтана лагъана:

-Гадаяр, им сад-къве чувал туш, бес икъван къуъл куъне тухвайла пака заз вуч лугъуда, я за вуч жаваб гуда?

-Яда, инай нин къил акъатзавайди я, и гъамбарар ни ал-

цумзавайди я. Эгера вун чир хъайитла чна жаваб гуда.

И кардал Агъмед рази хъанач. Я къачагъриз гъарай- эверни авунач. Къачагъар ягъалмиш хъайи вахтунда фена машиндин къуд чархуникни михер кутуна. Са арадал къван фена, машин акъваз хъана. Агъмеда тадиз милицайриз хабар гана. Къачагъри машиндал алай номерар алудна Агъмедан патав хтана адаз гъелягъар язавай. И арада къачагъар къуна, абур жазаламишна. Агъмедаз чухсагъул малумарна.

КЪЕЛЕН ГЪУНАР Я

МАГЪАМЕДАХЪНИ Айисатахъ къуд аял ава. Къве рушни къве гада. Айисата хизандиз нянин хуьрек гъазурзавай. Магъамеда вичин балайриз лагъана:

-Алад чан балаяр, хуьрек гъазур жедалди вирида куън чин-гъил чухуъх, ахпа хтана къегъалар хъиз столдихъ ацукъ. Исятда куън вилик куън дидеди хуьрекни гъида.

Айисата къапара туна вири хизандиз хуьрек гъида. Магъамеда са-къве тлур сиве турвалди вичин папаз лагъана:

-Я къей къари, вуна хуьрекдиз къел вегъенвачни? Алад фена къел авай къаб къванни гъаваш! Хуьрекдик са тварни къел квач.

-Къел, лагъана гъвечи хва Мухтара,- къел вучтинди я?

-Къел квачирла, чан хва, хуьрекди са тямни гудач.

-Ам вуч затл я, буба?

-Къел, чан хва, хархарар хътин куълукъ укълукъ шей я. Къеле хуьрекдал, фуал, салатдал тлям гъида, хъсан иштягъ ачухарда.

Мухтара тлур къачуна са тлур ацлай къел бубадин къапуниз вегъеда.



Хизандик хъуьруън акатна «ха-ха» ягъиз хъуьрез хъана.

-На вуч авуна, чан хва, са тлурона авай къел вегъена зи хуьрекдикай укълукъ агъу авуна хъи!

-Бес на лагъайди туширни къел квачир хуьрекди са тямни гудач! Зани ви хуьрекдал тлям гъана ман.

Магъамедан чин члур хъана, амма вичин гъвечи хва

Мухтаран гуьгъул хаз клан хъанач. Айисата вичин итимдин вилик квай къаб вахчуна лагъана:

-Я, чан итим, хуьрек амач, ваз са салат авуна гъидани?

-Бес зун гишила акъваздани!- лагъана Магъамеда хъел кваз вичин папаз. Арадай акъван вахт фенач. Айисата салат авуна гъана. Мухтара абурун фикирар вичел желб авуна чинеба мад бубадин салатдиз са тлур къел вегъана.

-Яъ,- лагъана Магъамеда,- къенин югъ им вучтин югъ хъана. Хуьрек укълукъди, салат укълукъди. Квез зун яд хъвадай къван къена кланзавани?

-Яд,- лагъана хъуьрез хъуьрез Мухтара,- зазни кланзава.

Фена са гичин ацлай яд гъана столдал эцигна лагъана:

-Хъухъ, буба, хуьрек, салат вавай нез хъанач, яд къванни хъвана жуван руфун ацлур. Къелен гъунар я.

В ПРОКУРАТУРЕ РАЙОНА

Назначено наказание

ПРОКУРАТУРОЙ района поддержано государственное обвинение по уголовному делу по обвинению граждан Азербайджанской Республики Мамедова Кенана Новруз оглы, Азизова Халика Касым оглы, Магарамова Бахруза Этибар оглы в совершении преступления, предусмотренного частью 3 статьи 322 УК РФ (пересечение Государственной границы Российской Федерации без действительных документов на право въезда в Российскую Федерацию либо без надлежащего разрешения, полученного в порядке, установленном законодательством Российской Федерации, совершенные группой лиц по предварительному сговору).

Из материалов дела следует, что Мамедов К.Н. во исполнение преступного замысла, совместно с Азизовым Х.К. и Магарамовым Б.Э. 11.08.2016, примерно в 01 час, преодолев частично русло реки Самур, пересекли государственную

границу Азербайджанской Республики и Российской Федерации в районе села Хорель Магарамкентского района. Однако спустя несколько часов были задержаны пограничным нарядом на территории Магарамкентского района.

Согласившись с позицией государственного обвинителя, с учётом активного способствования расследованию преступления, рассмотрения дела в особом порядке судебного разбирательства, приговором Магарамкентского районного суда от 17.04.2017 подсудимые признаны виновными по предъявленному обвинению, Мамедову К.Н. назначено наказание в виде 2 (двух) лет лишения свободы в ИК общего режима, Азизову Х.К. и Магарамову Б.Э. назначено наказание в виде одного года и шести месяцев лишения свободы в ИК общего режима каждому.

М. КАЗИХМЕДОВ,
прокурор района,
старший советник юстиции.

**ВНИМАНИЕ РУКОВОДИТЕЛЕЙ МАЛЫХ
ПРЕДПРИЯТИЙ
МАГАРАМКЕНТСКОГО РАЙОНА**

В СВЯЗИ с тем, что 90% малых предприятий района включены в каталог крупных предприятий из-за отсутствия их в ЕРСМП (единый реестр субъектов малого и среднего

предпринимательства), просим руководителей малых предприятий привести в соответствие свою идентификацию в налоговых органах, подав соответствующую заявку в ФНС о включении их в ЕРСМП. В органы статистики эти предприятия и организации должны представить письменное уведомление и прохождения процедуры включения в ЕРСМП.

Ко всем респондентам, отказывающимся представлять формы статотчетности в соответствии с новыми требованиями, и не согласными подавать заявку в ФНС для включения в ЕРСМП и представить соответствующее уведомление в адрес Дагестанстата, будут применяться с 01.05.2017 г. меры административного воздействия (ст. 13.19 Кодекса РФ об административных правонарушениях).

Магарамкентский районный отдел статистики.

**Эфесда авай
Артемидадин
Ибадатхана**

АЛЛАГЪ дигеълидин зурба и ибадатхана чи эрадал къведалди б-асирда эцигнай. Артемисиондин машгьурвал акъван члехи тир хьи, Грециядин вири агъалийри чпин пулар гъана эцигиз хъана. Чи эрадал къведалди 356-йисан 21-июлди Герострата Артемидадин ибадатханадиз цайяна. Гуьгъуьнлай ибадатхана гележегда Азия дяведалди къачур Александр Македонский хайи юкьуз кана лугьуз риваят акъатна. 25 йисалай Александр шегьердив агатайла адиз ибадатхана виликдай авай гъайбатлувилелди хкажиз клан хъхъана. Квачел ахкъалдарунин къвалахриз регьбервал гузвай архитектор Дейнограта адан виликан акунар хвена, анжах дарамат гурарин кларариз ухшар авай мадни къакъан бинедал хкажна.

Ибадатханади зурба майдан къазвай – 110-55 м, имарат къве жергедалди элкьурна къунвай стунрин (абур 127 авай) къакъанвални гъейбатлуди тир – 18 метрдихъ агакънавай. Адан къав мрамардин сахсийралди къевнавай. Имаратдин лайхлувилерикай сад дибдай саки инсандин буйдихъ агакъна нехиш атланвай шикилралди безетмишнавай 36 сокун тир. Артемисиондин шикилрин галереядихъни лап члехи машгьурвал авай. И пакчади римлянар атайлани цуьк ахъагъиз хъана.

263-йисуз Малый Азиядиз сухулмиш хъайи гатри ибадатхана тарашна, 391-йисуз Римдин империяда гзаф аллагъриз икрамун къадагъа авун нубатдин ягъун къун хъана.

Малум тирвал, гъеле мад къве асирда Артемидадиз ибадат авун давам хъана. Анжах залзала хъайидалай къулухъ и чка ичли хъана.

Мукаил АГЪМЕДОВ

МАГЪАРАМДХУЪРУЪН РАЙОНДИЗ МАНИ

Ви хурудал элди чуғур,
Ипек рекьин гелер ама.
Пак накъварал бине кутур,
Магъараман рекьер ама.

Шагьдамар вацI виликай ви,
Баян ягъиз авахъзава.
Ашкъидин гъисс риклик квай зи,
Туйнт лепейрик какахъзава.

Ви накъварик тежер битмиш,
Майва авач и аранда.
Къарасуйра жезва артмиш,
Гьикъван гъетер цин гьамгада.

Тикрар бенд

Чи къисметар уртахай мулк,
Магъарамдхуър-хайи диге
Багъманчийрал дамахай мулк,
Кьибледин вар я вун сифте.

Куьн къекъемир мад женнетдихъ,
Женнет там я чи Самурдин.

Хазина я бул суърсетрин,
Дарман жедай виш уьзуьрдиз.

Тикрар бенд

Чун вал ашукъ рухваяр я,
Твар хкаждай архаяр я,
Гуьрчек хъийир стхаяр я,
Къуьн кутадай захаяр я.

Кагърабаяр-ципицрин кул,
Хъурезва:-Дад аку лугъуз.
Магъарам хуър –Алпандин къул,
Алад вилик эквер тухуз

Тикрар бенд

Ярагъидин квал хъайи чил,
Бед душманриз цал хъайи чил.
Зарбачийрин сал хъайи чил,
Зи мандин чIал хъайи чил

Шагьдамар вацI-инал рахун,
Самур вацукай физва.

ОБЪЯВЛЕНИЕ

Птицефабрика «Гюней» (Магарамкентский район, с.Оружба) объявляет конкурс на должность производственный рабочий убойного цеха.

График ненормированный, оплата сделанная высокая (от 1000 рублей в сутки и выше), оформление по ТК, оплата больничных, отпусков. Дополнительно компенсируются транспортные расходы, дотации на питание, спецодежда.

Требование: возраст 20-55 лет, крепкое физическое здоровье, выносливость, наличие медицинской книжки.

**Обр.по номеру:
8-928-057-74-79**

ВНИМАНИЕ! АКЦИЯ!

Проводится полное обследование всего организма на клеточном уровне всего за 1000 рублей.

ОБСЛЕДОВАНИЕ И ЛЕЧЕНИЕ:

- сердечно-сосудистой системы
- сахарного диабета
- почек, печени, легких
- бесплодие, гинекологии, простатита
- онкологических заболеваний
- щитовидной железы
- боли в суставах, позвоночнике
- желука, ЖКТ, селезенки
- заболеваний дыхательной системы
- геморроя
- мочеполовой системы
- при низкорослости детей и др. заболеваний

Консультация специалиста **БЕСПЛАТНО**

Тел: 89197875300

Заболевание легче предупредить, чем лечить!

Целегуьрин СОШ-дин 9-класс куьтягъайдан гъакъиндай 2012- йисуз Шагьбанов Эльмараз гайи 05 БВ 0094609-610- нумрадин аттестат квахъуниз килигна къуватда амачирди яз гьисабин.

«Магъарамдхуърун район» МР-дин Администрация ва райондин депутатрин Собраниеди ООО Медико-диагностический центр «Юж-даг-дин» килин духтур Салманов Дадашаз ва адан хизандиз буба

МИРЗЕАБАС

кечмиш хъунихъ галаз алакъалу яз, дериндай хажалат чуғуналди башсагъ-лугъвал гузва.

**Къилин редактор
А. А. ИСМАИЛОВ.**

Редакциядин адрес:
368780. РД, Магъарамдхуърун район, Магъарамдхуър, Ленинан куьче.

Газет гъафтеда садра акъатзава.

Учредители: Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).
Адрес: 368780. РД, Магъарамдхуърун район, Магъарамдхуър, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Чап ийиз вахкудай вахт - 16.00.
Чапун патал къул чуғуна- 15.00.

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуърун район, Магъарамдхуър, Ленинан куьче. Лезги чIал.
Индекс 63340. Тираж 1400.
Заказ № 19.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

6+